

بکرامنڈی

منٹھا: بکرا کہ بکری کہ بھیڑوآں نوں پھڑاں جی
حکم کرو! کدھروں دی واڑے وچ وڑاں جی
ایہہ ویکھو دانہ اک ”اے ون“ مال چوں
ملکوال بولدا جے ایہدے وال وال چوں
ڈیڑھ من پکا ایہدا گوشت بھانویں تول لو
ایہدے نال بھانویں انگریزی وچ بول لو

ملک صاحب: گلاں دی مشینیں ایں تے کاں کاں بولناں
ہتھیں گنڈھاں چاڑھ کے تے دنڈاں نال کھولناں
سدھی ساویں گل کر ایہدا کیہ لینا ایں
ٹول ٹیکس سنے مینوں کئے وچ پینا ایں

منٹھا: پے جائے گا آپ نوں ایہہ پنڈراں ہزار دا
دانہ صاف ستھرا جے جھوٹھ نہیں میں ماردا

ملک صاحب: پنڈراں ہزار وچ تے کار آجانڈی اے
فون لگ جاندا اے بہار آجانڈی اے

منٹھا: ہولی بولو ملک صاحب! جھٹ نہ گزارے گا
سن لیا بکرے تے ڈھڈھ کڈھ مارے گا
تسین کجھ اگے وڈھو میں چھتھے ہٹناں
مُل والی رستی نوں میں ہور ذرا وٹناں
پنڈراں ہزار چوں روپیہ گھٹ کر لو
مک گئی جے ہن بس فٹو فٹ کر لو

ملک صاحب: چُپ اوئے گٹھاں نال قد پیا مننائیں
 اُدے جاندے پنچھی دے پر پیا گننائیں
 گلاں نیں توں صبح دیاں کتیاں تراشیاں
 ساڈے جیے شریفاں نال کریں بدماشیاں

منٹھا: ملک صاحب! تئیں کیہڑے پاسیوں شریف او
 اسیں بدماش آں تے تئیں ساڈے چیف او
 گل سُنو بُرا نہ منانا میری بات دا
 سَپی سَپی دتساں اَج دن اے جمعرات دا
 ہُن تئیں بکرے دا بھُل جاؤ رستہ
 کم کرو ایس توں وی سستا تے خستہ
 منڈی وپوں نکل کے تے شہر وچ وڑ کے
 لئی جاؤ رستے چوں گُکڑ اک پھڑ کے

مشق

- 1- تھلے دتے لفظاں دے واحد لکھو:
 بھیدُ وَاں، گلاں، گنڈھاں، دنداں، گٹھاں
- 2- محاوریاں دا مطلب لکھو۔
 ہتھیاں نال گنڈھاں چاڑھ کے دنداں نال کھولنا
 اُدے پنچھی دے پر گتتا، گلاں تراشنا
- 3- ایس مکالمے دا مفہوم اپنے لفظاں وچ لکھو۔

ملک صاحب:

گلاں دی مشینیں ایں تے کاں کاں بولنائیں
 ہتھیں گنڈھاں چاڑھ کے تے دنداں نال کھولنائیں
 سدھی ساویں گل کر ایہدا کیہ لینا ایں
 ٹول ٹیکس سنے مینوں کئے وچ پینا ایں